

Na osnovu člana 15. stav (1) Zakona o štrajku zaposlenih u institucijama Bosne i Hercegovine ("Službeni glasnik BiH", broj 41/16) i člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), na prijedlog Direkcije za evropske integracije, Vijeće ministara Bosne i Hercegovine, na __ sjednici održanoj ____ 2018. godine, donijelo je

O D L U K U
o utvrđivanju minimuma procesa rada
u Direkciji za evropske integracije za vrijeme štrajka

Član 1.
(Predmet)

Ovom Odlukom utvrđuje se minimum procesa rada u Direkciji za evropske integracije (u daljem tekstu: Direkcija), za vrijeme trajanja štrajka zaposlenih u Direkciji.

Član 2.
(Pravo na organizovanje štrajka)

Zaposleni u Direkciji mogu organizovati štrajk u skladu sa Zakonom o štrajku u institucijama Bosne i Hercegovine ("Službeni glasnik BiH" broj 41/16), na način koji neće ugroziti javni interes, opšti interes građana i opštu sigurnost, sigurnost lica i imovine, kao i samo funkcionisanje Direkcije.

Član 3.
(Upotreba muškog i ženskog roda)

Izrazi koji su u ovoj Odluci, radi preglednosti, dati u jednom gramatičkom rodu bez diskriminacije se odnose i na muškarce i na žene.

Član 4.
(Minimum procesa rada)

- (1) Zaposleni u Direkciji mogu početi štrajk, ako se obezbijedi minimum procesa rada koji osigurava nesmetano funkcionisanje svih organizacionih jedinica Direkcije.
- (2) Minimum procesa rada u Direkciji za vrijeme trajanja štrajka, podrazumijeva prisustvo na poslu i to najmanje jednog zaposlenog na Protokolu Direkcije kao i najmanje po jednog šefa unutrašnje organizacione jedinice unutar svake osnovne organizacione jedinice Direkcije.
- (3) Direktor Direkcije, u slučaju potrebe, može rasporediti zaposlene na odgovarajuća radna mjesta kako bi se osigurao minimum procesa rada za vrijeme štrajka, ako se do početka štrajka spor ne riješi mirnim putem.
- (4) Direktor Direkcije ne može odrediti članove štrajkaškog odbora u smislu stava (1) ovog člana bez saglasnosti štrajkaškog odbora.
- (5) Za vrijeme trajanja štrajka direktor Direkcije i organizator štrajka dužni su saradivati radi osiguranja minimuma procesa rada.

Član 5.
(Provođenje Odluke)

Za provođenje ove Odluke zadužuje se Direkcija.

Član 6.
(Stupanje na snagu)

Ova Odluka stupa na snagu danom donošenja i objavljuje se u „Službenom glasniku BiH“.

VM broj ____/18
_____ 2018. godine
Sarajevo

Predsjedavajući
Vijeća ministara BiH
Dr. Denis Zvizdić, s.r.